

O grupo municipal do **PARTIDO POPULAR (Populares de Caldas de Reis)** do concello de Caldas de Reis representado polo seu voceiro Fernando Pérez Domínguez co DNI 35.450.453-R, ao abeiro do artigo 91.4 e 97 do Regulamento de Organización, Funcionamento e Réxime Xurídico das Entidades Locais (R.D. 2568/1986 do 28 de Novembro), e artigo 46.2 da Lei 11/1999, do 21 de Abril, de Modificación da Lei Reguladora de Bases de Réxime Local, propón, para á consideración do vindeiro Pleno Ordinario da Corporación Municipal a seguinte

MOCIÓN DO GRUPO MUNICIPAL POPULAR EN CONTRA DO PECHER DA SUCURSAL DO BANCO SABADELL-GALLEGO E EN APOIO DO ACCESO AO POBOACIÓN AOS SERVIZOS FINANCIEROS

EXPOSICIÓN DE MOTIVOS

Estamos a ver nos medios de prensa como Concellos da nosa contorna como Portas ou Campo Lameiro van quedar sen ningún tipo de servizo financeiro posto que pechan a única entidade financeira con sucursal física nos seus Pobos. No caso de Caldas de Reis, esta semana os veciños clientes do Banco Sabadell (no noso Pobo antes Banco Gallego) enteáronse do peche o vindeiro 18/10/2021 da única sucursal de esta entidade, trasladando os clientes a sucursal que teñen en A Estrada, de maneira que para as súas xestións van a ter que desprazarse máis de 21 quilómetros (axuntase copia da carta remitida os caldenses). Estamos pois ante un proceso de peche de sucursales levado a cabo de maneira conxunta por todas as entidades de crédito.

Nos últimos anos –con especial intensidade desde a crise financeira de 2008- tivo lugar en España un dos maiores procesos de concentración bancaria de Europa. A pesar de que este proceso permitiu reforzar a solvencia das entidades e recuperar a confianza e a estabilidade do sistema financeiro, tamén trouxo consecuencias negativas, como unha importante diminución do persoal e o peche de oficinas bancarias, o que está a dificultar a accesibilidade aos servizos financeiros por parte da poboación, particularmente no ámbito rural.

Así mesmo, as entidades financeiras están priorizando o uso das novas tecnoloxías para a realización da maioría dos trámites bancarios. Aínda que a banca electrónica aporta vantaxes de inmediatez e accesibilidade, unha implantación precipitada dificulta o acceso a servizos financeiros básicos naqueles lugares onde a dixitalización aínda non se desenvolveu na súa plenitude ou naquelas persoas que teñen un menor desempeño nas novas tecnoloxías, con especial incidencia na poboación envellecida e que vive soa.

Todas as administracións públicas, en colaboración coas entidades financeiras que operan en Galicia, debemos garantir que toda a poboación galega, con independencia do seu lugar de residencia e da súa idade, teña acceso aos servizos bancarios e financeiros, prestando especial atención ao ámbito rural e a poboación envellecida.

De feito, xa existen fórmulas útiles neste ámbito, como a iniciativa promovida recentemente pola Xunta de Galicia, en colaboración coa Fegamp, que permitirá a moitas



www.ppcaldas.es



<https://www.facebook.com/ppcaldasdereis/>



<https://twitter.com/PPCaldasdereis>



<https://www.instagram.com/popularescaldasdereis>



+34 621 224 620

localidades que carecen de oficina dispoñer dun caixeiro no seu municipio, e así mesmo que os veciños poidan contar con servizos de asistencia financeira e de formación.

Ademais a través dos organismos autonómicos de Consumo tamén se traballa na defensa dos usuarios de banca, mediante a organización de campañas informativas e prestación de asesoramento en materia de servizos financeiros.

Dende o noso grupo valoramos estas medidas, pero consideramos que debe existir unha coordinación e unha planificación a nivel estatal para que realmente sexan eficaces, tal e como se aprobou por amplísima maioría no Senado de España. Non estamos ante un problema exclusivamente galego, senón que se da no conxunto de España, e no que todas as administracións debemos implicarnos.

De feito, a Xunta de Galicia enviou o pasado 7 de setembro unha carta ao Executivo central, solicitando a elaboración dun estudo sobre a situación do mercado financeiro en España desde o punto de vista da concentración bancaria, a competencia, e o acceso aos servizos financeiros; así como a implantación dun marco normativo común que regule a prestación universal dos servizos financeiros básicos de xeito que se garanta a súa prestación a todos os cidadáns, con calidade e cun prezo accesible.

Por todo elo, o Grupo Municipal Popular no Concello de Caldas de Reis presenta ao Pleno a seguinte

2

PROPOSTA DE ACORDOS:

1º Requerir a dirección do Banco de Sabadell para que reconsidere a súa decisión de peche da sucursal que ten no noso Pobo, posto que tras o adquirir no seu día o Banco Gallego, que levaba en Caldas de Reis aberto dende vai varias décadas, se comprometeron publicamente en que a súa prioridade ía ser dar servizo o Pobo Galego.

2º Trasladar por escrito os Alcaldes dos concellos veciños de Portas e Campo Lameiro, do contido de esta moción, e da solidariedade de todo o Pobo de Caldas de Reis porque os deixan sen servizos financeiros.

3º- O concello de Caldas de Reis insta ao Goberno de España, en coordinación coas administracións autonómicas, provinciais e locais, a posta en marcha dun plan estatal contra a exclusión financeira, con medidas que garantan o acceso de toda a poboación aos servizos financeiros, con especial atención a xente maior. Entre estas medidas estaría a de impulsar unha normativa que regule a atención personalizada para a realización de servizos financeiros básicos ou esenciais e a un prezo asequible.

4º.- O concello de Caldas de Reis insta á Xunta de Galicia, en tanto en canto non estea aprobada unha estratexia estatal de loita contra a exclusión financeira, a continuar impulsando, xunto coas administracións locais galegas e en colaboración coas entidades financeiras que operan



www.ppcaldas.es



<https://www.facebook.com/ppcaldasdereis/>



<https://twitter.com/PPCaldasdereis>



<https://www.instagram.com/popularescaldasdereis>



+34 621 224 620


en Galicia, medidas que faciliten o acceso da poboación aos servizos financeiros, tales como a instalación de caixeiros multientidades e programas de formación en banca electrónica.

5º O concello de Caldas de Reis comprométese a ceder espazos municipais para facilitar, en colaboración coas entidades financeiras, a prestación de servizos financeiros, a través da instalación de caixeiros, promovendo a atención presencial dos veciños e colaborando en programas de formación financeira e banca electrónica.

En Caldas de Reis a 13 de setembro de 2021

O GRUPO MUNICIPAL do **PARTIDO POPULAR (Populares de Caldas de Reis)**





Distinguido/a Sr./Sra.,

Mantener una comunicación continuada y transparente con nuestros clientes forma parte de nuestro compromiso.

En este sentido, le informamos que estamos realizando algunos ajustes en nuestra red de oficinas y **la oficina de AV PEDRO MATEO SAGASTA, 17, 36650 CALDAS DE REIS, PONTEVEDRA**, de la que actualmente usted es cliente, **a partir del 18/10/2021 se traslada a esta nueva dirección:**

**C CALVO SOTELO, 24
36680 A ESTRADA, PONTEVEDRA**

Para su comodidad, mantendremos el cajero automático en el que podrá seguir realizando, de forma ágil y eficaz, ingresos, reintegros y toda la operativa habilitada, **sin que cambie su número de cuenta** bancaria.

Puede consultar en todo momento, de forma fácil y actualizada, el tipo de servicio de caja que prestará cada oficina y su horario a través del buscador de oficinas en www.bancosabadell.com.

Le recordamos también que puede operar o gestionar sus productos y servicios las 24 horas del día, los 365 días del año, desde su móvil o tablet, a través de la app de Banco Sabadell; y desde su ordenador, a través del servicio de banca a distancia.

Aprovechamos la ocasión para agradecerle su confianza y recordarle que, como siempre, estamos a su disposición para atender cualquier consulta, en esta dirección o, si lo prefiere, puede llamarnos al 963 085 000.

Reciba un cordial saludo,



30 de Agosto de 2021